



Septembar

Gimnazija „Meša Selimović,, Tuzla

Adresa: Dr. Tihomila Markovića bb,
75000 Tuzla

Telefon: +387 35 247 630


E-mail: gmstz@montk.gov.ba

www.gmstzstud.com.ba

www.gmstz.com.ba

Facebook: Gimnazija „Meša Selimović,,

Instagram: [gms_tz](#)



Impresum

Izdavački savjet:

- Minela Spahić, direktorica
- Mirela Šehović, prof.
- Almira Mešić, prof.

Glavni i odgovorni urednici:

- Minela Spahić, direktorica
- Mirela Šehović, prof.
- Almira Mešić, prof.

Tehnički urednik:

- Mirela Šehović, prof.
- Alema Mešanović, 3f

Lektor:

- Almira Mešić, prof.

Izdavač i štampa:

Gimnazija "Meša
Selimović", Tuzla
2025/2026. god .

Članovi novinarske

sekcije:

- Amina Žilić IVb
- Asja Azabagić IIIa
- Emina Hasanbegović IVd
- Uma Hadžiefendić IVd
- Emir Mujezinović IIIId
- Ena Mehičić IVd
- Ismihana Brkičević IIIa
- Berina Maglić IVg
- Lamija Karabegović IIIId
- Lejla Ahmetović IVb
- Leona Simić IIIId
- Mirna Nikolić IVb
- Nadja Razić IIIa
- Melika Bajrica IIIa
- Nejra Smajić IVg
- Mia Lovrić IIIf
- Nensi Kadribašić IIIf
- Uma Tihić IIId
- Sarah Kapidžić IVd
- Sarah Nišandžić IVd
- Vildana Zelenturović IIIa
- Emil Sabitović Ivf
- Luna Čajić IIIb
- Tajra Kapidžić Ia

Redakcija

Digitalne novine:

- Ajla Osmanović 4f
- Ajla Kunosić 4f
- Aida Delić 4f
- Nensi Kadribašić 3f
- Ema Mešković 3f
- Majra Šabanović 3f
- Alema Mešanović 3f
- Delila Bošnjaković 3f
- Majra Altumbabić 3f
- Elma Bećirović 3f
- Nela Jaganjac 3f
- Mia Lovrić 3f

Uvod

Početak nove školske godine pravo je vrijeme za nove izazove i postavljanje ciljeva. Nakon zasluženog ljetnog raspusta, svi se vraćamo u školske klupe, puni energije i spremni da damo sve od sebe.

Drugi dio godine pruža priliku za napredak u učenju, kao i za aktivno učešće u svim školskim aktivnostima. Želimo vam sretan i uspješan početak, ispunjen motivacijom, novim iskustvima i naravno, postignućima. Na narednim stranicama novina, donosimo vam informacije o najvažnijim događajima koji nas očekuju, kao i savjete kako da ovaj period iskoristimo na najbolji način.

Mehmed - Meša Selimović

M. M. Selimović, jedan od najznačajnijih pisaca južnoslovenske književnosti, rođen je 1910. godine u Tuzli. Njegova djela, prožeta filozofskim promišljanjima i dubokim razumijevanjem ljudske prirode, ostavila su neizbrisiv trag u književnostima Balkana. Njegov najpoznatiji roman, "Derviš i smrt", remek-djelo egzistencijalne i psihološke proze, istražuje unutrašnje borbe glavnog junaka Ahmeda Nurudina, njegovu potragu za pravdom i sukob s vlastitim uvjerenjima.

Roman "Tvrđava" nastavlja ovu nit promišljanja o sudbini pojedinca u vrtlogu historijskih previranja.

Meša Selimović je u svojim djelima ostavio univerzalne poruke o ljudskoj sudbini, pravdi, moralu i prolaznosti života. Njegove misli i danas inspirišu čitatelje i mlade generacije, koje u njegovim riječima pronalaze odgovore na vječita pitanja života. Gimnazija „Meša Selimović“ s ponosom nosi ime ovog velikana, podstičući učenike na kritičko razmišljanje i ljubav prema književnosti.

Njegova misao ostaje živa i nadahnjuje nove generacije, podsjećajući nas da su znanje i misao najjače oružje svakog čovjeka.



Smjerovi

- OPĆI

Obrazovanje u općoj gimnaziji usmjerava učenike ka općoj naobrazbi iz jezičke, prirodne i društvene grupe predmeta, te nastavku obrazovanja na višem nivou bilo kojeg usmjerenja.

- MATEMATIČKO-INFORMATIČKI

Nastavni plan i program matematičko-informatičkog smjera ima za cilj da kod učenika razvije način mišljenja svojstven prirodnim naukama, matematici, te da osposobi učenike u oblasti informatike.

- JEZIČKI (FILOLOŠKI)

Nastavnim planom i programom jezičkog smjera je predviđeno osposobljavanje učenika da se služe jednim stranim jezikom, kao i da usvoje osnovna znanja iz još dva strana jezika.

- INFORMACIONIH TEHNOLOGIJA

Nastavni plan i program IT smjera ima za cilj da kod učenika razvije način mišljenja svojstven informatičkom području, informacionim tehnologijama, te da osposobi učenike u oblasti informatike i računarstva .



Učenički kutak



Selma Šabačkić



Kanita Omerović



za hà gran forza.

Ankete učenika

Safija Mahmutović

Recite par riječi o sebi?/ Kako biste opisali sebe?:

Ja sam učenica drugog razreda srednje škole, volim da učim nove stvari i aktivna sam u školi. Smirena sam, odgovorna i trudim se uvijek dati svoj maksimum.

Zašto ste odabrali ovu školu?:

Odabrala sam ovu školu jer nudi kvalitetno obrazovanje i mogućnosti za napredak. Motivacija mi je bio i moj stariji brat, koji je također pohađao ovu gimnaziju.

Šta za vas znači uspjeh?:

Za mene je uspjeh kada ostvarim cilj koji sam sebi postavila i kada se trud isplati. Uspjeh je i kada naučim nešto novo i napredujem kao osoba.

Pitali smo učenike da nam ispričaju nešto više o sebi i svom uspjehu. U nastavku imate njihove odgovore.



Ankete učenika

Šta te motivisalo da se prijaviš na takmičenje?

Motivisala me želja da testiram svoje znanje i da vidim koliko mogu postići. Također, volim izazove i takmičarsku atmosferu.

Da li si imao/imala podršku nastavnika/porodice?

Da, imala sam veliku podršku i nastavnika i porodice. To mi je mnogo pomoglo da se pripremim i ostanem motivisana.

Planiraš li učestvovati na novim takmičenjima?

Da, planiram. Voljela bih nastaviti učestvovati na takmičenjima i ove školske godine.

Kako bi opisao/opisala svoje takmičarsko iskustvo?

Takmičarsko iskustvo je bilo veoma pozitivno. Naučila sam mnogo toga novog, upoznala nove ljude i stekla dodatnu sigurnost u sebe.

Šta bi poručio/poručila učenicima?

Poručila bih im da uvijek vjeruju u sebe i da se ne plaše pokušati. Svaki korak naprijed je napredak.

Navedi nivoe takmičenja za svaki predmet na kojima si učestvovao/la i koje si mjesto osvojio/la:

- Njemački jezik, školsko takmičenje -1.mjesto
- Njemački jezik, kantonalno takmičenje -2.mjesto

Ankete učenika

Ajdin Jahić

Recite par riječi o sebi?/ Kako biste opisali sebe?

Opisao bih sebe kao upornog i znatiželjnog učenika. Za sebe bih rekao da sam također odgovoran i vrijedan, željan novih saznanja. Nastojim da svakim danom proširujem svoje znanje, učeći nešto novo kako u školi, tako i van nje.

Zašto ste odabrali ovu školu?

Gimnaziju "Meša Selimović" sam upisao iz više razloga. Smatram da ova škola nudi najbolju podlogu za bilo koji fakultet i čini učenike spremnim za bilo koju oblast iz prirodnih ili društvenih nauka kojom se učenici odluče baviti u životu. Pored toga, mom izboru ove škole doprinijele su preporuke i pozitivna iskustva brojnih članova moje porodice koji su se ovdje školovali prije mene.

Šta za vas znači uspjeh?

Za mene uspjeh, prije svega, znači ostvariti ciljeve koje sebi postavim, koliko god oni bili izazovni. Uspjehom također smatram i svaku situaciju i svako iskustvo iz kojeg naučim nešto novo-nešto što će mi vjerovatno koristiti kasnije u životu, iako možda nije sve prošlo onako kako sam prvobitno zamislio.

Ankete učenika

Kako provodite svoje slobodno vrijeme?/ Koliko vremena na dan izdvojiš za sebe i kako ga provodiš?

Moje slobodno vrijeme varira iz dana u dan u zavisnosti od toga koliko obaveza imam taj dan, ali bih rekao da nađem sasvim dovoljno slobodnog vremena koje mogu iskoristiti da se odmorim i radim stvari koje volim. Svoje slobodno vrijeme najčešće provodim učeći italijanski jezik, igrajući odbojku, kako na treninzima, tako i rekreativno, te družeći se i provodeći vrijeme s mojim prijateljima i porodicom.

Šta te motivisalo da se prijaviš na takmičenje?

Interesovanje za takmičenja nosim još iz osnovne škole. Smatram da takmičenja učenicima omogućavaju da testiraju svoje znanje iz određenog predmeta i oblasti za koju su zainteresovani. Također, učenici kroz dodatnu nastavu nauče mnogo toga što će im, pored takmičenja, vjerovatno, koristiti i u budućim karijerama. Imajući na umu sve ove pozitivne strane i prilike koje takmičenja nude, odlučio sam se prijaviti.

Šta bi poručio/ poručila učenicima?

Učenicima bih poručio da prepoznaju svoje jake strane i iskoriste vlastite sposobnosti kako bi ostvarili maksimalni potencijal. Poručio bih im da se opredijele za ono što vole i što im ide od ruke, da se trude i napreduju, te postanu najbolja verzija sebe u toj oblasti.

Ankete učenika

Kako bi opisao svoje takmičarsko iskustvo?

Svoje takmičarsko iskustvo opisao bih kao veoma pozitivno. Organizacija takmičenja, kao i atmosfera na njima uvijek su bile na visokom nivou. To mi je donijelo dragocjeno životno saznanje i nove prijatelje, budući da takmičenja okupljaju učenike sa sličnim interesovanjima, lako je ostvariti poznanstva. Na kraju, to iskustvo dodatno upotpunjuju dobri rezultati i potvrda da se trud isplatio.

Navedi nam na kojim si nivoima takmičenja učestvovao/la i koja si mjesta osvojio/la.

Učestvovao sam na takmičenjima iz nekoliko predmeta ostvarivši sljedeće rezultate:

Takmičenje iz vjeronauke:

Školsko takmičenje - 1. mjesto

Gradsko takmičenje - 1. mjesto

Kantonalno/Regionalno takmičenje - 1. mjesto

Državno takmičenje - 3. mjesto

Takmičenje iz odbojke:

Kvalifikacije za gradsko takmičenje - 1. mjesto

Gradsko takmičenje - 3. mjesto

Takmičenje iz matematike:

Školsko takmičenje - 4. mjesto

Učešće na kantonalnom takmičenju

Učenički kutak

Tišina je govor duše

Često šutim. Ne zato što nemam šta reći, nego zato što riječi nekada izgube snagu, a misli postanu preteške da bi stale u običan glas.

Ponekad mi se čini da je tišina najiskreniji dio mog dana, trenutak u kojem prestajem da brinem o tome šta drugi misle, očekuju ili govore. U tim trenucima shvatam da tišina nije znak slabosti, niti umora duše – ona je njen najdublji govor. Dok drugi u njoj prepoznaju hladnoću ili odsustvo emocija, ja vidim prostor u kojem se duša usuđuje i da šapne i da zaplače. Ona ima nevjerovatnu moć da dotakne ono što se trudimo zaboraviti. Uvuče se među misli, pronade pukotine i tiho osvijetli sve ono što pokušavamo sakriti pod obavezama i osmjesima. Bez obzira koliko nas iznenadi, nikad ne povrijedi namjerno. Tišina je nježan učitelj, pokazuje nam gdje smo ranjivi, ali i gdje još uvijek imamo snagu da idemo dalje. U njenom polumraku, priznajemo sebi istine koje ne umijemo izgovoriti naglas. Tu se slome očekivanja, utišaju tuđi glasovi, a ostanu samo naše najdublje misli – iskrene, tihe i potpuno ogoljene. Ipak, tišina nije uvijek sjenka.



Učenički kutak

Tišina je govor duše

Ponekad je osjetim kao meku svjetlost koja obgrli sve što me boli. Srce tad kuca tiše, ali sigurnije, kao da konačno pronalazi svoj ritam. Ona mi je otkrila sve što glas ne može. Pokazuje mi ko sam kada prestanem trčati, kada prestanem glumiti hrabrost i dopustim sebi da osjetim svaku pukotinu. Na kraju dana, kada sve utihne, ljudi, dan i obaveze, ostaje tišina. Baš tada ona više nije prazna, ni teška. Naučila sam da je slušam, jer sam shvatila da duša najglasnije govori onda kada riječi utihnu.

Tišina nije praznina. Ona je prostor u kojem se duša najglasnije oglašava. I kada naučimo da slušamo taj govor, shvatimo da ona nije odsustvo – nego prisustvo svega što u nama živi, diše i traje.

Nejra Mašić 1 b



Aktuelnosti



Dan ustava SAD u Američkom kutku

U srijedu, 17. septembra 2025. godine, učenici Gimnazije „Meša Selimović” posjetili su Američki kutak u Tuzli, gdje su prisustvovali predavanju povodom Dana ustava SAD-a

Predavanje je održala viša asistentica Amila Hadžibeganović s Univerziteta u Tuzli (Odsjek za engleski jezik i književnost), koja je učenicima prenijela zanimljive činjenice o nastanku i ulozi Ustava SAD-a.



Zahvaljujemo
domaćinima na
gostoprimstvu i
inspirativnom
zajedničkom učenju!
18.09.2025.

Aktuelnosti

Na konkursu za kratki film na temu „Genocid nad Bošnjacima u Srebrenici“, a povodom 30. godišnjice genocida, naš učenik Džafer Džaferović, pod mentorstvom profesorice Džehve Aščić, osvojio je drugo mjesto.

19.09.2025.



Aktuelnosti

Učešćem u Radionici o Poslaniku islama, naši učenici, koji pohađaju nastavu islamske vjeronauke, zajedno sa učenicima nekoliko tuzlanskih srednjih škola, obilježili su mevludski mjesec, mjesec rođenja poslanika Muhammeda, a.s. Radionica je bila prilika da učenici promisle o vlastitim dobrim i lošim osobinama te o tome kako one oblikuju njihov odnos prema sebi i drugima.



Našu školu dostojno su predstavljali: Majra Ibralić, Safija Mahmutović (IIb), Elnur Pamukčić i Ajdin Sejdinović (IId).

Domaćin ovog inspirativnog susreta bila je Behram-begova medresa.

23.09.2025.



Aktuelnosti

🌍 ✨ Učenici završnog razreda Gimnazije “Meša Selimović” Tuzla proveli su maturalsnu ekskurziju u Turskoj, u prelijepom gradu Alanya. Ekskurzija je trajala nekoliko dana, tokom kojih su učenici imali priliku upoznati bogatu kulturu i historiju Turske.

Program putovanja obuhvatao je obilazak historijskih i kulturnih znamenitosti, edukativne posjete, zajedničke izlete i druženja koja su dodatno učvrstila međusobno prijateljstvo.



Aktuelnosti



Na ovaj način, naši maturanti spojili su učenje i iskustvo putovanja, stvarajući uspomene koje će ih pratiti cijeli život. 24. 09. 2025.



Aktuelnosti

U petak smo imali priliku biti gosti na Evropskoj noći istraživača.

👩🔬 Na događaju su učestvovali i naši vrijedni učenici koji su se družili, istraživali i uživali u zanimljivim eksperimentima i prezentacijama.

🍌 Hvala domaćinima RPS-a na pozivu, gostoprimstvu i sjajnoj atmosferi – naši gimnazijalci su ponijeli pregršt novih ideja i motivacije. Nauka je još jednom pokazala da može biti zabavna i inspirativna! 💡 🚀

29.09.2025.



Aktuelnosti

🌐 🇸🇷 Naši učenici obilježili su Evropski dan jezika posjetom Filozofskom fakultetu u Tuzli!

Kroz radionice i zabavne aktivnosti na Odsjeku za engleski jezik i književnost imali su priliku učiti, družiti se i još jednom otkriti koliko su jezici važni za povezivanje ljudi i kultura. 💬 ✨ 30.09.2025.



Recept

Cimet rolnice (cimet rolnice)

miris doma u svakom zalogaju

Postoji li išta ljepše od mirisa svježe pečenih cimetnih rolnica koji ispuni cijelu kuću? Ove mekane, mirisne rolnice od cimeta potiču iz švedske tradicije, poznate kao kanelbullar, a danas su popularne širom svijeta. Posebnu čar dobijaju u septembru, kada svježja jutra i prve naznake jeseni donesu potrebu za toplinom doma. Dok lišće poprima zlatne i crvene nijanse, a školska godina ponovo počinje, miris cimeta i toplog tijesta savršeno se uklapa uz šolju čaja ili kakaa. Ove rolnice postaju simbol sporijih vikenda, laganih popodneva i onog poznatog osjećaja ugone koji jesen donosi sa sobom.

Za pripremu je potrebno malo strpljenja, ali rezultat je vrijedan truda. Tijesto se pravi od brašna, toplog mlijeka, kvasca, šećera, maslaca i prstohvata soli. Nakon što naraste, razvije se u pravougaonik i premaže smjesom od maslaca, smeđeg šećera i cimeta. Tijesto se zatim pažljivo zarola, isiječe na kolutove i ostavi da ponovo naraste prije pečenja.

Recept

Pečene rolnice su mekane i sočne, a dodatni užitak daje preljev od krem sira i šećera u prahu koji se nanosi dok su još tople. One su idealne za porodični doručak, druženja s prijateljima ili kao slatko iznenađenje uz popodnevnu kafu.

Mislim da nam svima ove rolnice obilježe jesen.



